



公餘漫稿卷之三

河中鑑川王崇古著

五言律詩

八溝寺遇北津汪

一甲辰季春同諸友遊西山紀事六首二見

七言

燕臺春欲暮結駟一追尋忽向林泉裡依微出
磬音鳥鳴如有待僧定自無心本是悠悠者相
逢暫解簪

玉泉山亭懷玉泉陳羽伯

芳泉浸蘭若泉中有古塔與水消長山人稱奇幽亭依翠岑舍
利千年古靈源幾派深蛟龍時隱見鷗鷺自浮
沉忽憶忘機友相將愜素心

望湖亭

振袂躡丹丘山亭共一遊湖光天際徹野色望
中浮龍起餘仙洞雲開見帝州休時容吏隱
既醉暫淹留

登香山寺來青軒

梵宇依層巒高軒疊翠前山川雲外合色相鏡

中懸歲古松杉老春明草木妍登臨無限意就
此絕塵緣

得友人瓊州書

友人陳一菴初守潁川王子以詩送之
即有藩封之慮末期一菴得罪鈞
王下詔獄謫戍南海萬死而達遺我好
音悵然爲賦因以寄之

萬里投荒客三秋雁北來書傳疑是夢愁結若
爲裁瀚海波濤偃瓊山瘴厲開懸知明聖世

五言律詩
公餘漫稿卷之三
應許逐臣回

夏日同霽寰中江少洲四溟登毘盧閣分韻
佛閣俯層城登臨極望明雲連雙闕迥樹隱
四郊平坐久夜初寂風回暑欲清何當卧襦牖
烟月愜初盟

中元十四夜同諸友都門宴月

萬里清秋月高城此共看輪光晴尚缺顥氣夜
仍寒渺渺關河迥依依宮漏殘懸知玉壇上燈
火未應闌

將赴皖城再別吳峻伯

峻伯大人與先叔爲同年友昔任刑曹
視部草省中三栢堂出守皖城稱最予
與峻伯同官同視草堂中復繼翁爲守

良非偶然詩以識別要之平生云

雲署追隨久栢堂道義親江湖憐再別岐路一
沾中皖地稱名郡循良屬丈人平生緣分在猶
得步芳塵

別同鄉諸同年

五言律詩
十載看花侶年來半去留江城憐我別霄漢羨
君遊柳暗旗亭道花明 禁苑樓征途從此始
瞻望不勝愁

馮汝言昆玉偕謝茂秦山人餞予慈仁寺
分韻識別得城字

千里同爲客一罇此共傾風塵催使節河海異

歸程

汝言四濱家東海
予家河中故云

戀闕宿燕市傷離唱渭

城彤雲浮遠樹去去總關情

衛河泛舟

風靜河流平月高樹影重歸舟喧野渡村火照
殘壩蕭鼓疑汾曲風花自衛封客途苦留滯潦
倒愧踈庸

漳泉荅陳抑亭年丈憂旱之作

荏苒十年客驅馳四月殘逢人漳水上吊古鄴
城邊蜥蜴收新雨風沙蔽遠天 九重憂旱切
何日是堯年

孟津懷古

匹馬孟津道垂鞭感慨多武功傳渡口漢寢傍

巖阿歷歷北邙塚滔滔東逝波龍蛇那可問興廢有長河

洛陽道中

地極天心處周城漢武都望餘猶瑞氣事改半靡蕪瀍澗東南帶河洛今古紆宋家憂范老今世更誰圖

次真陽遇

聖節即老親壽日有感二首

一見七言庚戌歲作

遊子離鄉日高堂上壽時親年牽北思王事

期南之骨肉日看遠風塵鬢欲絲夢回心折盡遙拜不勝悲

鄭城懷舊有序

表兄孫一泉昔守鄭迎舅氏在養予奉老親過省之相逢甚歡比年予兄弟數轉官而老親舅氏不祿矣追憶昔遊有懷往事詩以識感

舅氏昔遊地十年復此行風流慚幼弟遺愛屬吾兄棠樹高新壠烟花繞故城渭陽有餘痛回

百不勝情

庚戌九月將赴金陵夜泊廬陽郵亭聞虜
犯近郊識感

江上初收雨嚴霜已渡河漢兵聞出塞胡騎竟
如何雁陣凌秋盡笳聲入暮多武陵遺曲在慷
慨不成歌

壬子初度避居山寺識感三首

避俗投山寺悲親望隴雲行藏經四子負荷怯
千斤野哭憐征戍朝喧競奏勳不堪頻極目世

路日紛紛

地僻禪林迥雲深塔樹層鳥鳴時傍戶虎宿夜
依僧已覺離煩惱還宜悟上乘我生方入定魔
界漫憑陵

十里南山寺三生暫爾逃水聲凌亂近山色翠
微高客至拂雲榻僧來獻雪桃中峯兀坐處萬
里一鴻毛

荅楊中丞李明甫見過

中丞勞駐節明府費招邀共著山僧履同過虎

五言律詩
公餘漫稿卷之三
六
谿橋靈泉落寶樹花雨散晴霄歸路烟霞暝城
鴉起暮朝

清水谷

芳樹隱名山悠然出世寰因探瀑布水行盡綠
溪灣石磴連雲濕丹爐鎮日閑曉來極目處天
際有垂綸
谷口翠微間藤蘿上可攀泉流常脈脈鳥語自
關關山雨來仍霽溪雲去復還浮生無住者暫
爾一開顏

謁汾陰祠

峻宇壓汾湍軒轅掃地壇蛟龍蟠地脈嶽瀆護
岡巒漢碣螭文古唐宮樹色殘懸知翠鸞駕應
在紫雲端

憶昔吟四首奉別環溪狄寅丈赴南都司馬

憶昔逢君日長安春正芳宮花沾御墨褐帶襲
天香分省同雲署明刑共汝陽不堪成再別離
思益倉皇

五言律詩
八卷通稱卷之三
憶昔君遊地川南幾度經
共傳辭蜀錦還擬吊湘靈
琴鶴隨征馬旌符照使星
壯遊真不忝萬里羨鵬翎

憶昔謫君日天庖變法時
徵求民力盡節愛主心知報
國餘疏草庇民有去思
向來無限意應不負前期

憶昔君行郡相逢汝水灣
挑燈談往事擊節歎時艱
雅操青霜厲丹心白日閑
平生經略志司馬待君還

壬子臘月將赴河津追餞仰山尚侍御夜宿滎河旅舍

匹馬促征鞍雪霜逼歲殘
荒城憐夜度野寺對風餐
豈爲勞征役翻思行路難
有懷鳴佩侶驄馬獨衝寒

乙卯小春之朔出師黃浦聞報散館寄賀伯甥張子維編修

海上行營日天涯念爾時
好音聞授職美官慰前期
奔走慚予拙提携憶祖思
莫言清要貴應

自得心師

乙卯除日青村軍中識感

歲暮常為客韶華謾自憐驚心聞海角努力泛樓船未遂平蠻略深慚弃組年椒花思獻壽瞻望五雲天

丙辰元日聞報出師識感

海宇慶逢新孤城已報春無緣瞻鳳闕有夢祝萱親爆竹連烽火東風擁戰塵呌天如有訴江南看鳥春日啄啄解隨人即來鳴

九日同諸公登萬固寺塔即事

秋山留勝跡九日一登臨飛錫龍盤澗鳴鍾虎伏林白雲千嶂合碧水一泓深陶孟堪乘興相將愜素心

丁巳初度避居山寺識感

梵宇依青蓮三花散法筵諸天真有覺萬劫豈空傳香散曇光靜燈懸塔影圓我生思避世就此定心禪

家兄司訓對川將赴新樂携諸兄弟親友

同過山房爲壽再賦識別

骨肉歡同聚交親意總真
流年悲老大浪跡惜風塵
種樹思連理懸鱣期躍鱗
征途芳草遍日極轉傷神

秋日宿裴介谷山庄聞雷

裴相原多興招携綵野堂
兒孫隨杖履野老共壺觴
客至酒初熟詩成夜未央
風雷應解意隔水送新涼

秋日宿友人鄰山書屋

愛爾鄰山屋幽懷寄薜蘿
白雲擁戶近綠樹入簾多
雨過千峰色風回萬籟歌
夜深秋意靜渺渺見銀河

聽雨

鳴雨過前山輕雷度遠天
水從別澗落雲向近峰還
倏忽陰晴變差池秋夏遷
乾坤真有造著意望豐年

夏夜飲山陰王邸第賦登樓見晚山得登字

五言律詩
暑雨散煩蒸朱樓試一登凭欄看北斗摘藻憶
西陵望入蓮峰境思懸玉井冰山情應愛霽青
翠若爲凝

行山道中期伯甥張大史不至寄懷二首

丙午冬
北上作

再上行山路崎嶇非舊經急湍摧絕巘仄徑失
長亭鳥道紆盤雪羊腸曲沍冰嚴程昏未達燈
火照峻嶒

浹旬憐爾別千里獨行吟雲凍寒侵骨風回雪

滿襟山滑怯傍險水漲獨臨深乍倦驅馳意渾
勞逢暮心

次大行寄謝海庄周侍御

自別濂溪語吟風弄月歸周昌原古直海叟本
忘機河岳瞻高節雪霜拂繡衣少微懸法曜耿
耿照彤闈

過大行寄懷孟小溪藩叅時君自蜀藩在
告

有美清朝彥經綸早自裁爲辭蜀道險甘臥碧

山隈秋興同吹帽春情憶折梅新來問種玉莫
遣妬風摧聞孟納妾求嗣故云

望高平寄懷往川趙諫議

瑣闥曩稱直青山早結廬謝名焚諫草避俗著
農書弃置誰憐子驅馳獨笑予年來無限意空
望白雲居

入關喜雨丁未夏赴陝作

膏雨滌煩蒸關河爽氣疑鳥聲催布谷田鼓唱
年登青翠連三華蒼茫失二陵肅恭瞻 聖作

時若頌休徵

初度過蓬萊宮故址觀仙人秘刻旋登老
子說經臺識感

紫氣疑關日青牛繫栢年瑤臺留寶籙石澗瀉
靈泉努力尋仙跡何緣得秘傳浮生堪自笑初
度尚行旃

將至鄜川途中喜雨

習習谷風好陰陰山雨來雲從午嶺度水繞鳳
川回子午嶺鳳凰川俱道經地名敢謂隨車潤深慚濟旱才

五言律詩
蒼天瞻悔禍傾刻慰民哀

山行冒雨即事

西征日苦旱北望思爲霖喜見雲逐馬寧辭雨
濕襟山滑怯傍險溪漲惧臨深聊慰憂勤志渾
勞惕畏心

秋葵
有序

延州分署庭砌秋葵雨後繁生花葉青
馥蝶翻蜂競更霜一夕搖落孤幹猶存
榮華頃謝觸物感懷寄興於言

愛爾露葵好托根盡省陰香疑分桂窟色借足
秋淋直幹風仍健嬌花霜不禁物情感時遇空
負向陽心

秋日延川曉發

朔氣凝秋霧山程曉未開懸泉噴飛瀑奔澗激
喧雷伐鼓前旌進鳴笳後隊催壯遊歌出塞應
斬郅支回

已未九日邀董嘉嶺中丞蕭南峯總戎登
延州嘉嶺臺

榆塞驚霜蚤鳥延菊未華登臨酬令節飄渺聽
鳴笳蕭散思陶令清狂憶孟嘉鍾山堪振袂極
日淨胡沙

中丞愛嘉嶺幕府築南峰共止高山仰偏宜九
日逢風花供節事霜月淡秋容漫醉萸樽酒前
林送晚鍾

至日馮汝言藩叅期會原州尋報羈秦州
不赴詩以見懷

有約何來暮原州空復行秦雲獨入望關月共

含情道泰占來復時危憚遠征隴梅如可折莫
惜慰寒盟

再過涇川期栢泉胡大叅不遇晨發安定
驛望回山宮即事見懷

王母回鸞宇重來悵獨行不見胡安定空傳古
驛名蘇湖源洙泗涇渭流濁清道岸還同濟迷
津止自驚

原州識感 有序

已未歲夏冬予兩赴原州適當二至時旱

五言律詩
遼相仍災祥迭奏漫陳民瘼敬報觀風
昔遊陰始剝今至忽陽生未究循環理空煩往
復情亢龍酷夏早蒙雨歎秋成厄數關民瘼應
勞達 聖明

初謁黃帝橋陵

帝道瞻垂衣神功頌武韜連城留戰壘橋嶺瘞
冠袍未究尋仙術須欽成務勞玄風如可作千
載試烏號

清明雨中書懷

戊申在廊廡作

山雨陰仍霽東風暖復寒夢回春去疾日極路
行難瞻掃情偏劇驅馳興欲闌峨眉憶芳社辜
負百花殘

北郡城樓再別槐溪王鄉丈還西夏

廿載青衿侶相看漫白頭風流傷往事飄泊共
新愁見子猶鄉語逢人半楚謳窮邊憐再別離
思一登樓

弔姜女祠

有序

姜女夫范郎楚澧州人昔秦發徒築長

城郎婚三日以役行姜歲製寒衣引針
刺院竹篋盡成絲嘗登江邊臺望夫楚
今遺刺竹種望夫臺址後赴塞覓郎道
出晉曲沃適澮河漲不克濟姜怨哭以
手拍河崖印入土中世遠土剥手跡仍
存時秦法惰工者死瘞屍城中范郎羅
馬姜至塞覓夫已死繞城大慟城傾骸
見乃刺血試獲郎骨負以歸次宜君山
麓渴甚一哭泉湧飲水復行三十里秦

兵追之不及自度力竭不能歸遲回漆
水山谷間乃嚼石工斃石爲洞瘞郎骨
尋坐而斃留金釵石隙中時復隱見吁
亦奇矣土人即洞立祠祀其夫婦今
制有司歲時致祭如鄉賢儀嗚呼秦築
長城七國遺黎懷貞抱藝駢首受戮者
蓋億萬計姜一女子獨間關數千里百
死不回卒能死夫難獲同瘞室秦兵莫
害焉遺跡遍南北古今不磨豈天故庇

之以顯烈婦耶抑示後世君天下者戒
耶稽之扶蘇蒙恬負忠孝節咸死塞上
說者爲天道好還足報萬夫之寃信哉
亡秦已矣爲人臣子而不知忠孝大義
者視姜女何如耶事詳祠記可以觀矣
歲乙卯兩河地大震哭泉祠就圯王子
按宜君過而傷之命有司葺飾並肖其
夫祀如回山祠儀敬賦二章以慰幽貞
姜女來千里荒祠隔萬山哭泉疑楚淚刺竹擬

湘斑遺骨悲難返貞魂苦未還
溱川與江水流恨日潺潺

澮崖傳手跡回嶺貯金精造化應憐節山川解
護名塞垣今蕩析祠宇古崢嶸愈信扶蘇事天
教報女貞

庚申初度北郡城樓賦謝王槐溪李乾齋
二鄉丈

北地驚初度南風已報薰舜城勞遠夢漢闕渺
重雲肺病思瘳渴心憂欲解紛同袍聊共醉潦

五言律詩
五言律詩卷之三
廿
倒慰離群

春日同李藩參來登靈武臺

吊古登高臺春風拂面來山川連夏國城闕有
唐灰李郭名猶在與亡運幾催蕭關聊極目沙
磧半荒苔

初度示二子

汝父忽白髮吾兒正朱顏驅馳力已倦燕翼業
仍艱憶祖歌陟岵廸兒書訂頑分陰應自惜慰
我賦燕山

暮春靈武見杏花

長安桃李歇塞上杏初華西極寒恒急東皇澤
未涯香原分上苑色擬散流霞結實知應晚花
神莫浪嗟

庚申九日再邀董中丞蕭總戎登嘉嶺雨
不克赴時驕虜內侵早霜殞禾詩以識感
客歲登高侶重來並健時奠樽尋舊約風雨妬
前期霜落郊園槁胡來羽檄馳淒其無限意不
是爲秋悲

庚申午日再寓北地憂旱

佳節何匆劇更年再此過懷人傷往事憂旱忍
商歌陽道恒徵僭温風蒙故多遐方日枯槁無
計挽天河

送孟東洲寅丈入賀

有美齊東彦淵源述子輿氣高凌泰岳養粹擬
璠璣廿載交親舊三秦悵別初葵榴供遠道傾
日照征車

西省憶同袍薇垣附鳳毛華峯高並躡關月與

同豪舊烈勒梁蜀新棠遍渭洮君飭兵洮岷
六載故云九

重如問俗應慰使君勞

華亭山行遇雨見六盤積雪關山晚照即
事

嶺雲濕欲墮石磴路行難風送輕雷度日烘踈
雨殘六盤盤雪擁白萬壑霞流丹極目關山遠應
憐征戍寒

碯必伏雷雨

遵嶺尋古具境沿溪問釣臺忽從熊起處烈烈動



P20

風雷尚父丹書古丘仙鶴駕迴

溪上永春宮丘真人修煉處

岐山懷古

蕩蕩岐山路巍巍周召祠文王久不作斯文空
在茲漢治原襲霸唐風竟雜夷山川餘彤勝周
道頌明時

丁卯中秋侍軍門霍翁長城關對月

愛爾清秋月長城此共看邊聲傳大漠朔氣動
臯蘭已照沙場骨猶懸拜將壇壯猷瞻漢霍乘

惜桂華音

寄懷峻伯二首

時君謝撫貴陽歸臥天目萬竹山樓

結社百年侶分携萬里遊羨君返初服愧我未
知休世事堪浮海生涯憶釣舟天日著書處應
念戍邊秋

再別都門日相看半白頭喜逢常共榻戀別卜
同舟五洞蠻烟靖三邊氛祲收何當報明主
造爾竹山樓

九日前雪

五言律詩
公餘漫稿卷之三
塞上秋寒早歸餘冬令先飄蕭風雪夜孤負菊
花天青海翻瓊海銀川堆玉川折膠憐戍苦猶
幸兆豐年

秋杪念六日再雪

一月連三白六花遍九垣飄飄侵戰壘烈烈透
轅門月暗寒烽炮旗凝凍影翻征人歸未得早
瑞不宜繁

雪山曉行

萬嶺連天白千峰匝地銀谷深沒去馬樹凍絕

歸禽日出寒光燦風迴冷氣森誰憐征戍苦空
和白雪吟

迴軍原署仲兒夜話寄懷長兒家居

三秋憐爾別愈覺鬢毛稀烽火傳何劇家書到
亦希戰苦功猶薄恩深誓未歸蕭條孤館夜
寂寞故山薇

五言排律

秋日諸公再吊河中書院故址識感十韻

漢代股肱郡河山拱舜城憑高開藝苑列館授
諸生濟濟人文會悠悠弦誦聲人亡澤未熄劫
至地爲傾搖落啼山鬼陸沉失舊京薰風還自
至華月爲誰明郡有薰風翫月二翰墨惟秋草
宮墻起暮螢感時思振袂吊古欲沾纓陵谷成
今古桑田識變更何當回景運再頌濁河清

中秋十七夜再渡橫城

渡河復渡河荏苒歲將晏經涉十二秋驅策百
餘戰黃河幾流腥青海時傳箭關山月常明征
戍愁虛翫未勒燕然石那奏未央殿戰守無功
伐安攘有忠諫蹉跎白髮新感慨丹心倦中流
漫擊楫忽聽南歸雁嘹唳有餘情翱翔鮮憂患
鴻鵠志高舉秋旻振羽翰悠悠復何求滔滔世
堪嘆長揖謝河伯歸棹忘歆羨

公餘漫稿卷之四

七言律詩

宿碧雲寺

西山紀興二首

岩堯宮宇列諸天落日曇花擁翠蓮繞屋山光
開近幃凌霄樹色靄晴煙夜寂林端傳遠梵雲
深谷口響流泉覺來頓悟浮生理况復空山月
正圓

山行遇風晚宿湖村張一山庄

今日何日雲霏霏山風吹沙暗夕暉歸馬未須

尋故道居人空自掩柴扉奔騰萬壑聞龍吼搖
落千山見鳥歸無奈天涯春色暮忍看飛絮落
征衣

甲辰重陽同陳羽伯劉伯鄰吳峻伯俞樹
德王新甫登宣武城樓分得筵字

重陽爲客憐三度此日高城共一筵青鬢每驚
羈旅變黃花無奈歲時鮮九天宮闕秋光裡萬
戶煙花落照邊喜有高朋看並健盛遊還擬卜
更年

九日送齊鷹山歸金陵

頻年九日多蕭瑟况復今年送客回衰柳忍將
霜葉贈黃花愁對別筵開秋江鱸膾他時興漢
殿茱萸此日杯世路未占攜手處天涯踪跡總
堪哀

是日送友再集顧氏山亭有感

尋幽共識陶潛徑乘興還登孟氏臺喜有菊松
凝露色從教巾幘落風埃樽前岐路人憐別望
裡關河鴈獨回歲序不堪搖落後倦遊幾欲賦

歸來

九日得俞樹德姑蘇書寄懷吳峻伯

登高還憶隔年遊，綠酒黃花醉鳳樓。
萬里交遊那在眼，一天風雨不禁秋。
慰我喜逢歸鴈早，懷人空望斷雲浮。
姑蘇城外吳興路，燕樹江楓總繫愁。

秋日送馬孟河乞養南歸

匹馬城南送客舟，蕭蕭落木點征裘。
十年未遂滄洲願，萬里愁看綵鷁浮。
去國有懷瞻寶婺，還

家應憶賦瓊樓。他年五岳如相問，冀北淮南許並遊。

季秋倍祀 長陵恭紀二首

蕭洒秋山萬壑明，翠華深鎖紫雲中。
千年弓劍藏龍氣，百二山河仰帝功。
霜露歲深懸睿思，丞嘗時薦肅臣工。
憑高遙望重關路，古北黃花拱衛同。

九龍池

芳池蕩漾玉山隈，秋日登臨爽氣開。
瑞石懸崖

七言律詩
依便殿長松古木護瓊臺源深時見蒼龍起梧
老真宜綵鳳來
七帝園陵鬱相望懸知仙派
自天迴

端陽日送朱鎮山終制南歸寄訊陳羽伯
天中令節忽端陽歸客逢之翻自傷攜手已虛
蘭社約賦詩忍見萋莪章十年朋舊憐三別萬
里江湖總異鄉無奈孤帆還獨往不堪離思益
倉皇
江南此日多乘興遊子天涯苦未歸龍舸泛潮

俗自好蒲觴踏柳願仍違去國祇因情
山未許戀漁磯東道若逢陳伯玉爲言吾已覺
今非

將赴皖城夜宿慈仁寺留別西曹諸友

幾年雲署同袍誼此日都門帳別情送客每驚
聞折柳懷人忽漫見分萍空林月色輝塵榻長
樂鍾聲度曉城自分生平多感慨不堪回首念

王程

趙州初度

七十年華已半更旅逢初度壯心驚報 主未
能酬素志榮親空自戀浮名趙國煙花聊寄興
晉園桑梓遠關情前程欲問邯鄲夢塵世浮沉
總未醒

惠泉別館侍宴黃四泉侍御即事

靈泉繞出翠微東鎮日追隨柱史驄叔度德容
瞻憲度次公勲業屬名公光生鹺海瑤華麗瑞
合條山紫氣崇自是霜臺容傲吏敢攀一醉習
池同

聞鞏縣守臣秋祀宋陵有感

康王龍舸下揚州鞏洛山川王氣收宗李空餘
千古恨汪黃無復七陵謀荒臺斷碣留中土玉
盃金魚出故丘雪耻讎兇瞻 聖世歲時禋祀
戴 皇猷

次真陽遇 聖節即老親壽日有感

十年京國侍楓宸此日朝迴喜奉親華蓋殿前
呼 萬壽蓬萊宮裡祝靈椿出牧有懷鳴珮侶
違親空負舞裳身白雲紫極同愁望南菊西風

七言律詩
公餘漫寫卷之四
五
倍慘神

題尋源劉翁迎養逢恩卷

南極老人遊 帝里天書初下永禧宮制隆三
廟崇殷祀恩被千官邁漢封鶴侶喜瞻丹鳳闕
鷓行驚見白頭翁皇華况復榮歸棹萬派仙源
處處通

泛湖

萬頃芳湖一望平扁舟搖曳九愁輕晴天倒浸
南山色午夜低垂北斗明進艇漫隨鷗鷺侶鳴

柳偏稱芰荷情凌虛忽憶十年事癸卯歲初是湖計已十載
故老大空慚未請纓

癸卯初度次壽陽別從兄遜甫

十年此地逢初度今日重來思惘然青鬢朱顏
悲老大江城雲署憶留連戀闕有懷虛素志
匡時無策愧前賢昔顏魯公使李希烈軍嘗寓壽陽題詩寫懷遺墨尚存
不堪又是鷓原別愁見荒城起戍煙

慈仁寺夢王新甫有序

王子昔官秋曹偕新甫二三同志與松

菴上人爲方外交每公暇輒訪上人談
浮生頗覺有得尋俱外補勝事莫續歲
癸丑子復入京世態日變城中若不可
居即寓上人禪室暫避紛囂每烹茶夜
話翻憶舊遊有懷良友眷言興思上人
出新甫桂林之寄恍如面叅頻入夢境
倍增離索之感詩以識寄要之平生云
憶昔空山共扣禪白蓮結社絕塵緣重來妙偈
誰堪語覺處真機有夢還癡我多愁無住着思

君好事賸流傳多情惟有都城月猶向松窗照
獨眠

附錄敬所寄荅二絕

金作泥封錦作文忽傳南鴈落寒雲思君不及
嵩高月夜夜清光照汝濱

白象青牛轉法輪蚤時曾得共叅真而今別去
君休問失脚年來祇宦塵

甲寅重陽寓大梁偕地部張壽卿登西亭
宗人山亭識感

客裡逢秋倍慘神喜逢仙旅一開樽十年故舊
今秦越一代宗賢見朱陳燕晉風霜頻極目梁
臺萸菊漫相親登臨莫問前朝事花石瓊宮未
足論

許三海都閫副守與都詩以贈別兼訊紀
山曹侍御年丈

汝水相逢共歲寒湖陽促駕忽春闌
塞帷已樹淮西碣分閫還登帝里壇
千騎彪營園廟寢萬年龍氣護江干
行行寄語鳴驄客好爲蒼

生草袖彈

題鳳誥重封卷壽蘇母

仙郎考最五雲歸紫誥歡迎畫錦迴萱圃再
沾新雨露鸞臺重喜接蓬萊壽逢阿母千春宴
慶衍蘇門奕世才慈孝君家堪並美婺光早已
徹三台

再賦往事留別平泉

燕市相逢已十年重來汝水共留連
靈椿有賦憐同調仙草忘憂喜並妍
二子昔嘗同拜父母
之封矣今各失怙故

云身世任教評月旦汝南稱天中郡心情還擬對中天其地也無端又是江南別日極行雲思惘然

乙卯重陽出師黃浦雨中識感

一夕龍風度海關三千虎旅出雲間蛟醒欲斷思傳劔鴈陣初嚴喜賜環愁緒不堪黃浦雨佳辰忽憶紫萸山何當盡掃炎荒稜振袂登臨控百蠻

丙辰上九日青村雨中即事

海雨濛濛欲濕衣春雲裊裊覆城扉即看草色

連年隴忽報烽煙暗夕暉歲事共傳占上九兵期應許識先幾懸知枯骨霑新澤願效風人歌采薇

春日清洋江舟行聞報 上賜金幣識感

寄上江村沈寅丈

秋盡曾憐未受衣春來何意復言歸愁聞燕雀垂堂語忍見鴟鴞傍客飛肉食已慙恩更渥赤誠欲效願仍違閒情堪羨江村叟時伴群鷗共息機

七言律詩
丙辰夏日予奉妣視避暑黎陽馮少洲將
赴關中期盧浮丘謝四溟二山人來會詩
以迓之

海上馮唐欲度關為尋幽侶暫留連
盧敖賦就才仍健謝眺詩成思轉玄
世事止堪河朔醉詞林今見德星懸
憂人羈旅愁無賴暫對高朋一解顏

冬夜宴山陰藩王元峯壽峯昆玉別館時
地變次年

北風昨夜霽寒威天外三峯失翠微
故國不堪庭樹變藩垣猶慶棣華輝
南山雪色遙侵戶北斗辰光近拂扉
取醉不知寒漏永西園應許并音徽

春日再集即事

春城雪後淨囂塵柳意梅香淑氣勻
羈客止憐節序改王孫偏愛歲華新
選音喜應東皇律作賦歡迎北海賓
自有陽春歌古調未應絃管頌朱陳

贈賈月峯赴蕭藩左史賈君昔令黃邑貳
麗江有聲

春新楊柳那堪折惆悵河梁忍別君廿載黃封
留去鳥千年銅柱美題勳金城久奠雄藩烈王
國今看賈傅文好向關山隨皎月未應鄉社嘆
離群

地變後初度慙宿棲岩寺識感

百年未半驚時變五載重來憶舊遊魏國河山
還入望舜城風物迥添愁漫從苦海繫霜鬢好

覓福田豁醉眸自笑浮生無住著直將心事學
巢鳩

秋日聞浙東驚報寄懷霽寰吳丈

君家浙之湖陽

時任東省文宗

秋風一夜到三吳湖海鯨波近有無癡我未忘
揮寶劍美君蚤已握靈珠浪跡十年成弃闊浮
生百歲幾歡娛相思欲問東溟月曾照吳郎碧
玉壺

秋日過裴介峪大守孟盟橋莊即事

厭向朱門對綺羅每尋谷口日相過青山繞屋
晴偏好流水縈門雨故多天外浮雲看舒卷園
中殘局任嗟詫幾欲從君同結社裴休高誼更
如何

雪夜侍宴周海庄齋臺次韻

高館凝寒鎖暮雲霜臺風淨絕翳氛乍看縹緲
簷前舞忽見輝煌燭下分鹽散齋池銀作陣驄
嘶玉勒驥空群高懷更有陽春調欲和瓊瑤愧
不文

冬日景明李氏山莊即事

爲愛名山愜壯觀玉龍百丈掛晴瀾千峯瑞雪
開銀障萬壑冰橋跨玉欄松巖月明堪舞鶴竹
樓風過聽鳴鸞逢人莫問炎暄景惟有清流共
歲寒

邈姑射山水亭

太古名傳姑射山瓊宮仙宇隔塵寰澄潭潏沕
蛟龍窟秀嶺逶迤虎豹關樹色晴連山色好鳥
聲幽並水聲閑坐來蒼翠清人骨思向山靈一

扣玄

過平遙吊故友滄州幕李東溪

瀛洲尚憶少年遊海月天香共素秋故國重來
尋舊侶斷猿古木依荒丘臨軒虛負元伯感掛
劍空煩季子愁寥落孤兒勞問訊忍聞輒骨備
征求

平陽龍門王郡伯期宴公署池亭同遊姑
射山不遇詩以見懷

淳風百代古堯封刺史風流邁魯恭問俗閑情

留姑射坐吟清興寄芙蓉山花簇簇迎征蓋池
草茸茸待履踪幾欲扣 閣還借寇共沾霖雨
遂登龍

次高平挽張望峯侍御

張君昔按上江適倭犯留都予率兵迎
擊於溧陽殄之姑蘇忌者啣之君暴諸
將功罪於 朝予荷金幣加俸之典君
非私予予何可忘情耶詩以識哀質之
幽冥

十歲聯鑣聽鹿鳴幾將金石結芳盟君揮繡斧
清江左我奉兵符衛舊京豈有奇功清海甸漫
勞飛捷奏承明妾其往事堪垂涕目斷孤墳
擁素旌

已未春將赴秦臬都門曉發

春明門外促征韉驛路青春伴客還舞雪青絲
供遠道亂風紅雨映前川驅馳遮莫愁潘鬢慄
慨應須着祖鞭屈指鄉園三月暮連天芳草益
堪憐

次新樂再別伯允對川外翰

再別鴿原春又過天涯踪跡嘆蹉跎宮牆桃李
晴偏麗泮沼蘭蓀暖故多念我無勞歌羽雁思
兄有夢渡灣沱何日家園樂旣翕笑看玉樹蔭
婆娑

挽歌三章哭金陵陳羽伯 有序

羽伯別號玉泉子同官秋曹郎與三五
同志爲文社數歷寒燠後胥外補良娛
莫續歲庚戌子守皖訪君金陵別業甚

歡又六年予飾兵三足君造予毘陵不
遇尋予憂歸君出補蜀憲再陟秦藩數
寄詩訊予苦述歸興相期登華未遂而
君客死北郡矣傷哉訃聞予賦二詩爲
位哭之明年己未予補巡河西午日按
慶遇舊寮孫太守過君舊館覩遺刻共
憶昔遊愴然傷神翻思羽伯才步騷人
志同鬱死欲沉角黍擬吊湘菟再賦卒
章永慰死別

鳳凰臺畔詞園客夢斷秦山不窟墳萬里關河
堪涕淚千年江海見遺文蕭條旅襯親童僕狼
藉詩篇問爾勤陳君書僕名幾欲臨君馳素駕不堪
隴坂雪紛紛

西省論心二十年重逢江國暫留連南州虛下
陳蕃榻西岳空期玉井蓮數枉秦聲歌歸去頻
煩蜀調賦池遭開緘總是山陽曲淚濕青衫思
惘然

午日征詔臣慶陽爲憐伯玉一沾裳愁來欲擬

招魂賦人去空傳感興章陳榻猶懸悲往事王
冠獨戴憶仙郎相逢况是同袍侶思薦蒲觴意
轉傷

中秋寓宿溫泉郵亭楊鍾山原倡

中秋霽月誠佳賞何事郵亭獨自觀露下天高
光逾迥山空雲盡氣仍寒若教羈旅開懷抱番
怪浮生行路難來日陰晴渾未定明年此夜共
誰看

七夕阻雨羈溫泉郵亭觀漲次鍾山前韻

彌節荒亭雨滿山洪濤百丈湧奇觀滂沱疑瀉
鵲橋漲蕭洒應分玉宇寒天上有緣歡會好人
間無奈別離難遙思兒女蘭閨夜巧勝燈前帶
月看

即日登鍾山戍樓

危樓高結跨飛虹古塔峻嶒對梵宮北去關河
連塞上西來風物自秦中洞門暗向前山轉石
井深連幽澗通山有范公井運糧洞扼險應期追范老不
堪搖落成烟空

秋日蕭南峯都督邀過楊鍾山別圃宴菊
即席賦謝 兼贈蕭仲子春元

子雲亭上秋容淡蕭輔樽前霜月寒
萬里雲霄堪振袂百年勲業幾登壇
直從冀闕辭懸印恥向長安誇據鞍
聖主右文還飭武笑看玉樹蔭琅玕

秋日中丞嘉嶺董翁召過草堂宴菊即席
賦謝

廿年遼海勲庸舊三徑延山興味真
司馬豈貪

獨樂社淵明應愛旣歸身青山繞屋開
仙掌碧水浮堦長綠蘋棋局有緣隨杖履
紉蘭餐菊共頤神

謁黃帝陵廟讀仙人張三丰留題旋登漢
武望仙臺紀事

萬松青鎖帝陵高一水遙園湧素濤
岳近祥雲從變態道傳仙侶見揮毫
明禋百代瞻殷禮黷祀三臺陋漢曹
何日皇風迴大朴再溶鼎液續民膏

庚申元日鄜川即事

山城淑氣曉氤氲
午夜鍾聲隔塞聞
敬擬嵩呼祝壽域
恍聞端慶錫彤雲
律迴河岳春聲蚤
寒沍關山雪色紛
指日皇風同宇宙
共瞻陽谷散和曛

庚申至日次涼州安國鎮詠易識感

已未歲王子兩赴原州適冬夏至日賦
詩紀時有未究循環理空煩往復情之
句隔歲重來時事日變詠易自悟用識

歲月

西征三度逢三至
客路炎寒漫自憐
天地陰凝陽忽至
乾坤否極泰應旋
玩占定識循環易
涉世翻疑往復愆
渺渺天心真未測
思從庖羲問重玄

三川谷口讀杜工部題刻識感

有序

工部昔避難寓三川
題聯山壁云晴天
夜散千山月遠水
霞收萬里雲旣奔行
在尚憶昔遊有三川
不可到之什石剝

廿二言行詩 食治種卷之四 六
苔封遺跡猶存金陵友人陳羽伯刻詩
石畔尋即旅逝王子讀而哀之賦吊一
首

千山晴月古今同萬里歸雲澗壑空飄泊當年
憐杜老妻其異代憶陳公磨巖舊識山靈護吊
古新傳草聖工錦水秦山均羈旅天涯千載一
歸鴻

王子三歲中秋寓延防胡未申連逢月蝕
酉歲大比月明虜遁喜賦

三年秋月霽今宵兩歲翻憎薄蝕妖顛景出且緣
氛侵缺桂華偏向藝闈飄關山朔塞光應迢迢參
畢天街暈已銷漢高時月暈參畢占曰參畢天街夾卯為胡明年兆應白登
欲攬清輝聊對酒坐酣玉露被金飈

辛酉九日邀蕭南峯李西菴參戎楊兩川
地曹登嘉嶺范公臺時董中丞新逝子適
轉官追念今昔感賦識別

嘉嶺重登秋色催主人搖落鶴猿哀乾坤聚散
真蓬梗今古存亡餘草萊遍插茱萸傷舊侶漫

折楊柳侑離杯風塵滿眼愁仍劇希范無能首
重回

送東海行菴陳大叅自秦藩入賀便道

歸省

埋輪早歲播賢聲分陝十年滯使旌懷壠思親
煩白髮籌邊憂國有丹誠過逢幾下迎徐榻憂
樂時尋希范盟楓陛萱堂瞻並壽朔雲海月
共含情

再祀吳山讀舊題識感

西征三度禮名山翹埤群峯霄漢間昔賦爲憐
逢歲晚重遊猶幸及春閑丹岩飛瀑噴龍液芳
徑濃花爛錦斑信是山靈怡春色兩餘空翠散
晴寰

寧州別

定原
芹谷一律有序

九川呂翁昔謫河中晉先叔考止一公

同二翁遊定原翁仕晉右轄予復巡河

西歷陝藩臬茲將別去過訪賦贈

九川流派衍西州勲業文章伯仲優秦晉通家

原道義關河分治奕箕裘芳園梨雪呈春色遠
樹揚花繫客愁後會未期悲老大風塵吾已倦
遨遊

將赴大梁次扶風雨飲張大微憲使別墅
期蓋屋趙尋齋中丞不至識別壽二母

春城膏雨偶隨車渭水垂楊悵別初東鎬暫辭
綠野社終南空望碧山廬季鷹適志原忘貴充
國成功有謗書最喜萱堂還並壽三公爭易一
朝如

夏臺九日紀興

朔塞霜嚴烽暫熄每逢佳節思依依樽前骨肉
莫堪插海內賓朋書到稀險守蘭山征戍苦渠
分濁河稻梁肥一年秋色看將暮期效安攘願
未違

秋日寄懷淮海孫寅文

時孫自秦文
宗陟蜀藩叅

文始別來秋復三德倫車輔悵忘驂晨風西逝
期頻託白駒朝過憶遠函巫峽秋吟君寡和朔
方邊寄渺應慚多情惟有關山月萬里同人照

斗南

夏臺葺故花亭為賓館扁曰廣忠軒落成

喜賦

忠益堂開菊正花高秋霜月皓交華敢崇居處

忘民隱故殿幽軒遠衆譁亭多諛贈之曉啓簷

扉瞻旭日時植葵藿散仙葩廣延賓從集群思

共輸紆籌入獻嘉

乙丑至日得張元洲長安寄言時張自秦

撫臺遷大廷尉復賀一首有序

王子留滯秦中七經長至昔歲庚申慨

時詠易有玩占定識循環易涉世翻疑

往復愆之句今際清時忻逢揚長翻憶

舊題喜賦識慶

十年未悟循環理憂世翻疑往復愆泰道慶逢

新甲子復休光被舊山川無冤廷尉追張釋有

道星槎邁漢騫老我王褒思獻頌塞雲朔雪迥

遙天

秋日巡邊次花馬池營得軍門陳行菴翁

傳徵戒師即事賦贈

西風蕭蕭塞草肥胡馬驕嘶胡笛吹月明烽火
照天山露冷琪花泛鹽池單于獵騎思窺邊督
護羽書摧出奇佇看諸將捷音同奏凱承明拜
彤墀

與陳翁話舊識感

十年浪跡事三秦德業依君幸有鄰殞問東
隅慙知己得朋西鄙慰交親驅馳報主同懸
赤利鈍從時一任真何日天心占悔禍侍君千

里靖胡塵

九月六日歸渡靈武感時喜賦

九月繁霜未渡河塞門風日曠清和萬寶既登
看競穫三秋無警欲銷戈夾道萸菊呈野色中
流箏鼓雜漁歌莫言邊地光華異回首蘭山紫
氣多

丁卯初度思翁軍門以希范學陸爲壽深
愧匪倫賦謝一律

羈夏三驚初度摧翻思五十二年非先憂希范

懷空結不負學陸願獨違充砌蕙蘭供歲景關
情桑梓憶春暉何當更枉南金貺願報華封歌
採薇

即日延門入蕭春元索中丞楊鍾山翁贈
言遠馳爲壽賦謝見懷

昔別延山道義尊重逢蘭阜倍情親十年未報
安攘績千里空勞保障身嘆老囂囂憐世態匪
躬蹇蹇愧王臣何時召起楊德祖振袂鍾峯控
朔銀

將發夏城留別父老識感

四載移旌出夏城匈奴未滅壯心驚三軍枉墮
懷羊淚萬姓空勞借寇情雪淨蘭山烽火熄水
連濁河戍烟明爲報多情諸父老好將丁壯訓
農兵

贈別楊與子文伯見過原州兼訊尊翁

鍾山中丞年丈

再別鍾峯已十年龍溪嘉嶺夢猶懸安攘全晉
君稱勗保釐三秦渺愧賢喜見鳳毛騰遠漢那

堪龍德在芝田蹉跎世事堪白髮回首西風思
惘然

戊辰中秋長城關借蕭地部張兵憲對月
識感

十年此夕滯秦邊

王子已未入關歷延夏數薄治秋防間有賦散見諸體

蝕陰晴迥異天胡馬驕嘶乘月夜戍兒長嘆對

嬋娟瓊樓玉宇誰堪賞朔塞關山漫自憐何日

玉門歸定遠蒼臺吊古賦團圓

子家河中有翫臺故址云

塞上秋夜紀夢識感

孤臣誓師戍疆場永夜忽驚鷓鴣

世皇閭闔乍

開仙仗迥翠華高啟

御街長恍聞慰勞傳

丹陛虛擬傳呼入建章屏息覺來空涕淚攬衣

瞻斗思傍徨

念年結髮事

先皇視草秋曹奉憲章欽恤時

聞宣室召嵩呼躬捧玉壇香出牧江淮期召杜

握兵邊海奠金湯晚語車攻思報

主忍聞

遺詔泣遐荒

戊辰九日借蕭地部方張二憲使登長城

關戍樓即事

朔塞重陽幾度經
嚴霜踈雨乍陰晴
黃花綻盡怯寒意
沙燕辭巢戀別情
斷送秋殘悲遠戍
逢迎冬早入邊城
登臨聊共龍沙眺
勉賦出車愧未成

戊辰十月七日寒上班師紀行

十月秋防師奏班
霏霏雨雪靜塵寰
漢將欲空銀塞幕
單于遠徙玉門關
張掖羽書飛翰海
燧臺獵火照蘭山
凝寒點遣河西戍
堪嘆征夫歷

萬艱

自嘆

荏苒十年九在邊
風塵戈戟伴愁顏
朔方勲烈羞南仲
西鄙功伐愧漢班
與疾尚期思弭亂
據鞍應笑未知還
廟堂賸有籌邊略
何事踈庸老未閑

己巳中秋再同蕭地部曹右轄方憲使長城對月

塞上中秋已慣經
今宵那似去年晴
萬里荒城

虛不夜千家征戍負雙清老態侵尋羞顙景羌
吹嘹唳雜邊聲何當靖掃天階暈捧日丹宵頌
月明

中秋夜聞南海龐惺菴臺長弭節鐵柱泉
城時海寇報平詩代慶迓

嶺海關山賦壯遊孤城心月共清秋雛鳳已瞻
馳驥足用龐士元故事人龍應許並仙舟鐵柱銘泉勞
駐馬金城圖略待封侯四方多難心同赤喜報
瓊山螭蜃收

九日再同蕭地部張憲使偕呂雷二總戎
宴長城關次日重登朔方書院文星臺時
早雪殞菊虜窺河防兼聞薊門大練車師
識感

秋杪朔方寒乍疑那堪雪色漫憑陵採菊籬空
憐九日挿萸臺迥試一登鴻鴈未傳天北字驕
胡欲度海西水漁陽鞞鼓休三疊無敵王師
車萬衆

九日寄懷龐惺菴沈對泉二中丞

大河西下水盈盈百里懷人六月明佳節再逢
憐並健高臺獨上憶孤征蘭山萸菊堪供酒朔
寒雪霜乍點纓早借邊籌報 明主隴梅應待
訂寒盟

九月十二日出師長城關二百里至白城
虜營斬級百七十六 獻捷擬凱二首

聖主中興志外寧煌煌韎韐振威靈貌虎三軍
喧出塞穹廬百帳江犁庭河朔城湮憐漢郡燕
然山迥憶何時靖掃銀州侵蕩洗黃河千

里腥

於爍王師奮遠征輝輝晴日映千旌驃騎夜度

黃沙磧虎旅朝平白虜城越三沙剿虜城俱地名野火連

天燔破帳陣雲籠月照迴營凱旋擬 獻平胡

頌願借吹噓達 聖明

次夜師旋月圍風暈命占者依古法壓之

適虜衆縱火燒營湏臾風旋火熄衆感

神祐識慶二首

漢將曾傳何奈返風神玄原自鑒精中心逆焰未燔

雲鳥陣迴颺先燒駱駝羣風后有雷
師無敵震威雄聞道天兵方大
天兵方大
共瞻休既

慰宸衷

午夜軍行月暈封兆翻風色亘長
燎原黑六將旌幢映野紅已遣靈
揮雄劍斷妖虹孤臣未解迴天力
惟有丹心

對上亭

送朔方督餉岳峰蕭地部擢憲中州歲暮

東旋及春歸省二首

三年朔塞籌邊日千里萱堂倚閭時報國有

予頻獻捷思親瞻岱欲陳詞錦旋豸繡供萊服

春到椒花媚壽卮忠孝知君情並篤歲寒應許

慰心期

塞上逢君共九秋朔雲關月度邊愁胡兒飲馬

長城窟漢將揮戈瀚海頭饋餉已瞻蕭相略銷

兵獨愧晉王猷欲賦驪駒紆別思荒城回首似

并州

庚午夏將赴朔雲阻雨城晉驛識感

以下朔雲稿

幾年授鉞駐秦邊六月驅車出馬門班老玉關
猷尚壯竇勒燕石烈猶存驅馳思效輸北顧
跋涉寧辭羈驛村最喜蒼天能悔禍及時霖
雨散鬱煩

辛未六月十日北虜封貢禮成是日雷

兩大作賦二首

聖代懷夷邁議和直將神武靖么魔欵塞名王
服漢節歸降胡雛戴恩波雲錦百乘來貢馬菽
麥千頃藝秋禾微臣思善安邊策百戰爭如不

戰何

六月驅車出塞門為宣丹詔布皇恩崩角
萬種臣突厥稽首千群走烏孫振日風雷焚祲
靖中天旌節帝幃尊由來昌運傾胡運共
荷威靈銷虜魂

壬申歲九月提師駐岔道護葬

昭陵識感二首

塞上重陽嘆十經那堪野戍駐關亭乾坤有造
開玄隧夷夏無緣挽聖靈老去玉關空墮淚

頌成燕石待勒銘衆憐 國步艱難日獨有夔

龍翊 帝庭

高秋提師護 園陵遙望 玄宮王氣乘水帶

西湖千澗合山連北嶽萬巖層歛塞胡兒歡市

馬休兵將校競馳鷹登臨感慨十年事霜鬢蕭

蕭淚滿膺

公餘漫稿卷之五

五言絕句

春山曉行

春霧濛濛濕山桃簇簇紅落花歸別澗疑是武

陵東

紅雨綴綠烟遊絲雜舞錢春光如有意粧點伴

行旂

泮池桃花 延州作

桂窟借芬香芹塘舒早芳桃源千萬樹爭似依

宮牆

水泛龍門浪花分杏苑枝青衿如可作遮莫負芳時

七言絕句

延州閱武五首

西風一夜到榆關胡虜連營下河灣將士朔方今古健將軍應許破愁顏
虎旅三千擁節旄龍韜六出挽弓刀健兒躍馬推強弩爭向轅門奪錦袍

陣雲高結練戎場在
氣橫飛白日黃傳語
漫驚喜
頭又已生八流光

八陣疊翻出奇門
五方分制列甲屯
驃騎四面
追城勇飛報生擒小鳥孫

畫鼓填填催進兵
喧金振處戒前旌
軍容已識
鳥延勝降虜翻思仁
愿城

中部道中春雪四絕

六花又報頌玄文
五出初看落塞雲
豈是東皇
偏情巧為翻
淑氣蒸以侵
雰

黃帝陵高雪色濃
璠珠粒散杉松寒
光閃灼
金銀氣彷彿轅車駕
玉龍

千峯雨雪何霏霏
錯認落瑤華
點翠微
斷送輕寒
歸遠戍
潤回枯槁
待春暉

金鎖關雄雪陣屯
疑華積素失山村
乍聞羌笛
落梅調
疑是春風度玉門

景明李庄即事四絕

白雲洞

古洞嶽岑駕石梁
飛泉沓浥注龍漿
幽人時卧

白雲裡去住無心
歲月長

桃源

十里清溪送落花
武陵深處有仙家
歲寒雪靜
千山迥住見長雲
散采霞

觀音閣

佛閣岩堯嵌翠岑
曇光開處雪華深
懸燈影落
澄潭水總是靈光
清道心

白石樓

危樓高結對飛湍
物外乾坤聳大觀
夜深月照

灘聲急疑是銀河出廣寒

絳雪亭即事贈別主人芹谷呂丈

絳雪亭幽梨滿林主人時醉落花深若教春色無增減飡雪由從愜素心

十畝梨園三月花東風飛雪舞春華回首河中

襄水上棠梨陰滿憶君家

九川翁任河中芹谷翁任襄陽多遺愛故云

負郭園開澗水濱梨花亭院住長春忍見落花同逝水漫將離思逐花神

十年三醉故人堂話舊論文興未央此日高亭

重惆悵那堪飛雪侑離觴

公餘漫稿後序

督府鑑川王公公餘漫稿成陝藩左
轄栗君右轄馮君既刻而馮君序之
忠不敏當申簡末公命也忠惟疇昔
之歲嘗遊京師列在祠部時公為比
部尚書郎籍甚而比部諸與公以才
埒者一數輩則霽寰吳君鳳洲王君

在焉二君者嘗稱公才於忠而謝山人四溟以詩交諸君間能數誦公奇語相與欣賞之忠因得以介紹自通於公居無何各晨星散矣公宦跡所如獨秦中久而忠適起淪廢來視秦臬則薦紳先生能道公行事與其譔著之藏副名山者益得而覩聞云豈

非幸哉至是集之刻實觀厥成蓋於公山川紀行之什雖隳括未能無遺而所存若此亦既泯泯乎翼風雅而鳴不媿唐開元諸名家矣夫今學士大夫工辭章者或閤更事志功業者多薄雕蟲故張敞悼作使之無奇而揚雄以詩為壯夫不屑者皆過也公

以寅亮之才効當年之用無論他所
建樹即方經略諸鎮倚重長城安攘
之勲可倚而俟也迺復能蓄其餘力
縱橫意象時發乎詞豈所謂經綸之
緒而淵泓之波委者耶命曰公餘良
有以也忠竊自媿今所承之即公嘗
試卧而治者而忠持牒額額以日繼

猶然不能中程視棄鉛槧不知其為
何而公興所托沛然若是殆謂天授
非人所及耶詩曰委蛇委蛇退食自
公夫君子有退食委蛇之思而後能
用其有餘出當天卜之任而不跲忠
讀公餘漫稿為歛衽咨嗟嘆之而因
附其說明聲音之道固通於政也

隆慶二年四月念日陝西按察司按察使雲間中江莫如忠撰



